

Broj: 03-02/2-1569/22 DM/ŠH  
Sarajevo, 18.05.2022. godine

**HITNO!**

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
PREDSTAVNIČKI/ZASTUPNIČKI DOM  
N/r gđe. Marine Mujkanović, poslanice**

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno: 20-05-2022			
Org. jed.	Broj	Priloga	Vrijednost
05/1	-02-	139	/22

**Predmet:** Odgovor na poslaničko pitanje, dostavlja se

Poštovani,

Na 32. redovnoj sjednici Predstavničkog doma Parlamenta Federacije Bosne i Hercegovine održanoj 27.04.2022. godine, postavili ste poslaničko pitanje koje glasi:

„Po kojim kriterijima se vrši izbor poslodavaca koji apliciraju na Javni poziv Federalnog zavoda za zapošljavanje za učešće u Programu sufinansiranja zapošljavanja i zašto Javni poziv ne traje u vremenskom roku koji je naznačen u Javnom pozivu, a po isteku roka za prijavu izvrši selekcija, odnosno izbor? Da li je brzina u apliciranju glavni kriterij za izbor, odnosno eliminišući kriterij za poslodavce koji ispunjavaju uslove ali se nisu prijavili u roku od nekoliko minuta od momenta otvaranja Javnog poziva? Ako je u pitanju brzina prijave, što ni u kojem slučaju ne bi smjelo biti, zašto se ne obezbijedi stabilan link koji neće pasti odmah u roku 1 minute? Da li je isti broj aplikacija koji ulaze u program za svaku mjeru, i ako nije zašto onda nije naveden broj za svaku mjeru? Zašto se dopušta više prijava po korisniku ako je moguće izvršiti samo jednu važeću? Zašto dajete sebi za pravo da uklanjate prijave ako na listama niste naveli za koju se mjeru korisnik prijavio, nego dajete mogućnost onome ko obrađuje podatke da direktno upravlja listama. Valjda je korektno da svaki aplikant na listi vidi svoju poziciju, prijavu, vrijeme i mjeru za koju se prijavio, kao i od svih ostalih aplikacija?“

Sa aspekta nadležnosti Federalnog ministarstva rada i socijalne politike, dajemo sljedeći:

## Odgovor

S obzirom, da je Federalni zavod za zapošljavanje nadležan za provođenje Programa sufinansiranja zapošljavanja, a u cilju davanja potpunog odgovora na Vaše poslaničko pitanje, ovo Ministarstvo je aktom broj: 03-02/2-1569/22 DM/ŠH od 09.05.2022. godine, zatražilo odgovor od Federalnog zavoda za zapošljavanje.

S tim u vezi, Federalni zavod za zapošljavanje je aktom broj: 01-45-978/22 od 16.05.2022. godine, dostavio ovom Ministarstvu odgovor na Vaše poslaničko pitanje, a koji u prilogu dostavljamo.

S poštovanjem,



**Prilog:** kao u tekstu

Dostaviti:

- N/r gosp. Ivana Miličevića, sekretar Predstavničkog doma Parlamenta Federacije Bosne i Hercegovine  
Veza: akt Predstavničkog doma Parlamenta Federacije Bosne i Hercegovine, broj: 05/1-02-139/22 od 27.04.2022. godine
- N/r gđe. Edite Kalajdžić, sekretar Vlade Federacije Bosne i Hercegovine, Veza: akt Vlade Federacije Bosne i Hercegovine, broj: 03-04-559/22 od 05.05.2022. godine



Dino/Šetina 035M

Broj: 01-45-978/22  
Datum: 16.5.2022. godine

572/22

Parlament Federacije Bosne i Hercegovine  
Zastupnički/Predstavnički dom  
Hamdije Kreševljakovića 3, 71 000 SARAJEVO,  
N/r Ivana Miličevića, tajnika

BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO  
RADA I SOCIJALNE POLITIKE  
SARAJEVO  
Broj: 03-02/2-1569/22  
Sarajevo, 17-05-2022

Vlada Federacije Bosne i Hercegovine  
Hamdije Čemerlića 2, 71 000 Sarajevo  
N/r Edite Kalajdžić, tajnika Vlade

Federalno ministarstva rada i socijalne politike  
Hamdije Čemerlića 2, 71 000 Sarajevo  
N/r Veska Drljače, ministra

**PREDMET:** Odgovor na zastupničko pitanje – dostavlja se

**VEZA:** Akt Zastupničkog doma Parlamenta FBiH, broj: 05/1-02-139/22 od  
27.4.2022. godine

Poštovani,

U prilogu Vam dostavljamo odgovor na zastupničko pitanje koja je postavila zastupnica Marina Mujkanović na 32. redovnoj sjednici Zastupničkog doma Parlamenta Federacije BiH održanoj 27.4.2022. godine.

Srdačan pozdrav,



Dostavljeno:

- Naslovima,
- a/a.



Broj: 01-45-978-1/22  
Sarajevo, 16.5.2022. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**PARLAMENT FEDERACIJE BOSNE I HERCEGOVINE**  
**PREDSTAVNIČKI DOM**  
**Hamdije Kreševljakovića br. 3**  
**71000 Sarajevo**  
**Bosna i Hercegovina**  
**N/ Mirsad Zaimović, predsjedavajući**

**Predmet:** *Odgovor na postavljeno zastupničko pitanje gđe Marine Mujkanović od 27.04.2022. godine, dostavlja se*

U skladu sa dostavljenim zastupničkim pitanjem, postavljenim od strane zastupnice gđe Marine Mujkanović, dostavljamo Vam odgovor u skladu s člankom 116. Poslovnika Zastupničkog doma Parlamenta Federacije BiH.

**Pitanje:**

*«Po kojim kriterijima se vrši izbor poslodavaca koji apliciraju na Javni poziv Federalnog zavoda za zapošljavanje za učešće u Programu sufinansiranja zapošljavanja i zašto Javni poziv ne traje u vremenskom roku koji je naznačen u Javnom pozivu, a po isteku roka za prijavu izvrši selekcija, odnosno izbor?».*

**Odgovor:**

Kriteriji po kojima se vrši izbor poslodavaca koji apliciraju na Javni poziv Federalnog zavoda za zapošljavanje za sudjelovanje u Programu sufinansiranja zapošljavanja, utvrđeni su Programom sufinansiranja zapošljavanja 2022, ( Program dostupan na službenoj stranici Zavoda [www.fzzz.ba](http://www.fzzz.ba)). Navedeni kriteriji za poslodavce podrazumijevaju sljedeće: Poslodavci - korisnici Programa su poslodavci registrirani u Federaciji BiH koji redovno izmiruju obaveze po osnovu poreza i doprinosa, te oni koji imaju potpisan sporazum sa Poreznom upravom Federacije BiH o izmirenju duga po osnovu doprinosa, kao i oni na koje se odnosi Zakon o finansijskoj konsolidaciji. U Programu ne mogu sudjelovati: poslodavci koji su koristili kreditna sredstva iz poticajnih mjera Zavoda, a nisu ispoštovali obaveze u skladu sa zaključenim ugovorima, odnosno nisu zaposlili predviđen broj radnika i ne vraćaju redovno dobivena sredstva, poslodavci koji ne izmiruju redovno obaveze po osnovu poreza i doprinosa ili koji nemaju potpisan sporazum sa Poreznom upravom Federacije BiH o izmirenju duga po osnovu poreza i

doprinosa, poslodavci evidentirani u Registru novčanih kazni zbog duga neplaćenih novčanih kazni i troškova postupka, jer sa zaposlenikom nisu zaključili ugovor o radu (rad na crno).

### **Prijave po javnom pozivu – trajanje poziva**

Javni poziv je trajao u vremenu kako je naznačeno, tj. 3 radna dana, u periodu od 8,00 do 16,00 sati. 14., 15. i 16.3. za Program sufinanciranja zapošljavanja, te 23., 24. i 25.3. za program sufinanciranja samozapošljavanja. Prijave na javni poziv se evidentiraju, u realnom vremenu, na web portalu Zavoda po datumu i vremenu podnošenja istih te sa naznačenim statusom koji glasi "na provjeri", odnosno "na čekanju". Sve prijave se, sukladno pravilima Programa, provjeravaju.

- Status „na provjeri“ znači da je aplikant rezervirao finansijska sredstva prema zahtjevima prijave, a status „na čekanju“ znači da su sva sredstva rezervirana te da aplikant čeka završetak ugovaranja s poslodavcima koji imaju status „na provjeri“.
- Obračun eventualno raspoloživih sredstava za poslodavce na listi čekanja će se ažurirati u skladu sa raspoloživim sredstvima. Uvijek se „oslobodi“ dio novčanih sredstava za dodatno ugovaranje, tako smo prošle godine u 3 kruga pokretali ugovaranje za aplikante sa statusom „na čekanju“ (detaljna procedura je opisana u Programu).

### **Pitanje:**

*«Da li je brzina u apliciranju glavni kriterij za izbor, odnosno eliminiirajući kriterij za poslodavce koji ispunjavaju uslove, ali se nisu prijavili u roku od nekoliko minuta od momenta otvaranja Javnog poziva?».*

### **Odgovor:**

Brzina u apliciranju u kontekstu postavljenog pitanja ne može se tretirati kao eliminiirajući faktor, s obzirom da poslodavac u tom slučaju prelazi u „status: na čekanju, međutim je bitan kriterij za dobivanje statusa „na provjeri“, koji aplikanta stavlja u prvi krug ugovaranja. Period od „nekoliko minuta“ je uistinu takav u nekim županijama, /kantonima, a u nekim ni nakon tri dana nisu sva sredstva rezervirana.

Međutim, bitno je istaknuti da samo dio novca predviđenog za programe aktivnih politika ide putem on line prijave, a drugi dio ide zahtjevima u papirnoj formi, što je sve opisano u programima koji se nalaze na stranici FZZZ, što znači da poslodavci mogu i kroz druge oblike i programe ostvariti pravo na sufinanciranje zapošljavanja nezaposlenih osoba.

### **Pitanje:**

*«Ako je u pitanju brzina prijave, što ni u kom slučaju ne bi smjelo biti, zašto se ne obezbijedi stabilan link koji neće pasti odmah u roku 1 minute? Da li je isti broj aplikanata koji ulaze u program za svaku mjeru, i ako nije zašto onda nije naveden broj za svaku mjeru? Zašto se dopušta više prijava po korisniku ako je moguće izvršiti samo jednu važeću? Zašto dajete sebi za pravo da uklanjate prijave ako na listama niste naveli za koju se mjeru korisnik prijavio, nego dajete mogućnost onome ko obrađuje podatke da direktno upravlja listama. Valjda je korektno da*

*svaki aplikant na listi vidi svoju poziciju, prijavu, vrijeme, i mjeru za koju se prijavio, kao i od svih aplikanata?».*

**Odgovor:**

Federalni zavod za zapošljavanje je zaista poduzeo sve neophodne radnje kako bi bio osiguran stabilan link/ informatičko rješenje, nažalost sada se desilo da aplikacija/informatičko rješenje nije izdržalo pritisak/brojne prijave na javni poziv na samom početku otvaranja javnog poziva, što je dovodilo do određenih zastoja koje se odmah nastojalo sanirati od strane Jedinice za informacijske tehnologije, u saradnji sa dobavljačem koji održava postojeće informatičko rješenje Zavoda. Navodimo podatke prvoga dana poziva, tj.14.3.2022. godine:

Ukupno korisnika 14.774 od toga novih korisnika 6.785

Ukupno sesija 27.697

Prosječno trajanje jedne sesije je 13 min i 41 sek.

Ukupno pregleda stranice fzzz.ba 417.254

U periodu od 7:00 do 9:00 broj konkurentnih korisnika je bio između 4000 i 6000; maksimalan broj korisnika cca. 6000 je zabilježen u periodu od 8:00 do 8:15

*Da li je isti broj aplikanata koji ulaze u program za svaku mjeru, i ako nije zašto onda nije naveden broj za svaku mjeru?*

Broj aplikanata nije određen, niti može biti, jer se sredstva rezerviraju temeljem zahtjeva u prijavi, kojom se može tražiti sufinanciranje po svim mjerama najmanje 1 a najviše 20 nezaposlenih osoba. U okviru Programa sufinanciranja zapošljavanja 2022 ukupna sredstva su raspoređena po budžetima i to za:

- Mjere zapošljavanja pripravnika, Mladih sa iskustvom, Periodično zapošljavanje, Nova mogućnost, Javni radovi i Pomoć potrebnim - 14.503.699 KM
- Mjera zapošljavanje žena – 4.000.000 KM
- Mjera Zapošljavanje demobiliziranih branilaca/razvojačenih branitelja 2022- 500.000,00 KM
- Mjera Tražim poslodavca 10.000.000 KM;
- Mjera Prilika za sve 8.000.000 KM
- Mjera Služba u saradnji s poslodavcima 7.996.301 KM

Pored toga određujući je interes poslodavca za određenu mjeru.

*Zašto se dopušta više prijava po korisniku ako je moguće izvršiti samo jednu važeću? Zašto dajete sebi za pravo da uklanjate prijave ako na listama niste naveli za koju se mjeru korisnik prijavio, nego dajete mogućnost onome ko obrađuje podatke da direktno upravlja listama.*

Programom je dozvoljena samo jedna prijava, kojom se mogu obuhvatiti više mjera, iz svih županija/kantona, do 20 osoba. Tehnički problem pritiska i zastoja, koji je obrazložen, na žalost je bio blokirao ovu funkcionalnost. Međutim, u 16:00 sati, po zatvaranju poziva za taj dan, podešen je algoritam koji je „čistio“ sve prijave koje su bile višestruke, na način da je vremenski prva zadržana, kao valjana u skladu s odredbama Programa, a ostale su brisane.

*Valjda je korektno da svaki aplikant na listi vidi svoju poziciju, prijavu, vrijeme, i mjeru za koju se prijavio, kao i od svih aplikanata.*

Svaki aplikant na listi vidi svoju poziciju - redni broj, naziv poslodavca, vrijeme zaprimanja prijave i status. Ovi podaci su vidljivi na službenoj stranici Zavoda, kao tabelarni prikaz. Ostali podaci koje pominjete, tj. „mjera“ je dostupna i transparentna na upit, s obzirom da ne smatramo značajnim da ostali aplikanti imaju uvid u mjere za koje aplicira svaki aplikant, niti je od značaja za obrađivanje njihove prijave.

